


# Bibel fa Kjinja brinj't junt

## De Aunfank von de Menschen äa Trua



Jeschrnwen von: Edward Hughes  
Jemolt von: Byron Unger un Lazarus

wasat von: Ed Zacharias  
Toom Pauss jestalt von: M. Maillot un Tammy S.

Story 2 of 60

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*

Jesazlich: Du doascht dise Jeschicht oppnmen ooda drekjen, soo lang aus du dee nich vekjafst.

Plautdietsch

Low German

GOTT MUAK AULES! Gott muak  
dän ieeschten Mensch, Adam, un hee  
un siene Fru läwden em Goaden Eden.  
See jehorchten Gott un wieren  
gaunsungoa jlekjlich,  
bat een Dach ...



1

"Haft Gott  
werkjlich jesajcht,  
daut jie von irjent  
een Boom nich äten  
sellen?" säd de Schlang to Eva. Un see  
säd to de Schlang: "Wie derwen von aule  
Frucht von de Beem em Goaden äten  
buta eenen Boom. Wan  
wie von de Frucht äten  
ooda dee aanschieren,  
woa wie stoawen."



2



De Schlang säd to de Fru, "Jie waaren goanich stoawen." "Jie waaren soo aus Gott sennen," säd de Schlang. Eva jankad de Frucht von dän Boom. See horcht no de Schlang, un eet de Frucht.

3



Aus Eva onjehuarsom wia to Gott, brocht see Adam, daut dee uk eet. Adam haud sult 'Nä' sajen, daut hee Gott nich onjehuarsom wudd sennen.

4



Aus Adam un Eva jesindicht hauden, wisten see beid daut see noachtich wieren. See bedakjten sikj met Bläda von een Fiejenboom un vestuaken sikj von Gott en eenen Bosch.

5



Em Owent aus daut kjeel wort kjeem Gott em Goaden. Hee wist waut Adam un Eva jedonen hauden. Adam jeef Eva de Schult. Eva jeef de Schlang de Schult. Gott säd, "Doa woaht een Fluch oppe Schlang bliwien. De Fru woaht Weedoag haben wan see Kjinja haft."

6



To Adam säd Gott, "Wiels du jesindicht hast, woaht doa een Fluch oppe Ieed sennen, soo daut doa Distlen un Spekjasch waussen waaren. Du woascht oabeien un schweeten daut jie to äten haben."

7



Gott schloot Adam un Eva ut däm wundaboaren

Goaden rut.

Wiels see jesindicht hauden, durwen see nich soo dichtbie Gott bliwien, dee daut scheene Läwen jeef. Gott muak een flaumendet Schwieet toom an doa buten hoolen. Gott muak Kjeleda fa Adam un Eva von Fal. Von wua neem Gott daut Fal?

8


Met de Tiet kjreejen Adam un Eva Kjinja. De ieeshta Sän heet Cain; hee haud een Goaden. De tweeda Sän heet Abel, un dee wia een Hoad. Een Dach brocht Cain Gott een Jeschenkj von waut en sien Goaden jewossen haud. Abel brocht von siene baste

Schop aus sien Jeschenkj to Gott. Gott freid sikj to Abel siene Gow.




9

Gott jefoll Cain sien Jeschenkj nich. Dan wort Cain doll. Gott säd, "Wan du daut rajchte deist, woascht du dan nich aunjenomen sennen?"



10

Cain bleef noch lenja doll. Dan een Dach aus see oppe Stap wieren, jreep hee Abel un schluach am doot.



11

Gott säd to Cain, "Wua es dien Brooda, Abel?" Cain luach un säd, "Ekj weet nich. Saul ekj no mien Brooda oppausen?" Gott strofft Cain. Hee neem am sien Launt wajch, un hee must romwaundren.



12

Cain jinkj dan wajch vom Harn. Hee befried sikj met eene Mejal, dee Adam un Eva äare Dochta wia, un see hauden eene Famielje. Cain haud vël Grootkjinja un Uagrootkjinja, un dee wonden en eene Staut dee Cain aunfunk.



13

Adam un Eva äare Famielje woss sea. To dee Tiet läwden Menschen vël lenja aus vondoagschen Dach.



14

Eva haud noch eenen Sän. See nand am Sett. Eva säd, "Gott haft mie Sett enne Städ Abel jefäht." Sett läwd soo daut Gott daut jefoll.



15

De Menschen oppe Welt worden emma schljachta un schljachta aus mea Menschen läwden. Schliesslich wull Gott de Menschen aulatoop vedoawen un aule Tieren un Väajel. Gott wia daut schod daut hee de Menschen jemoakt haud. Oba



doa  
wia een Maun,  
un Gott jefoll daut  
waut hee deed.

16

De Maun wia Noah. Noah staumd von Sett siene Famielje; Noah wia een jerajchta Maun un kjeena kunn am beschuljen. Noah lieed siene Säns daut see no Gott horchen sullen. Gott haud eenen sea besondren Plon fa Noah!



17

De Aunfank von de Menschen äa Tru

Eene Jeschicht von en daut Wuat Gottes,  
de Bibel

finjt eena en

Mose 3-6

"Wan dien Wuat openboat woat,  
jeft daut Licht." Psalm 119:130

18

**Gott weet** daut wie schljachtet jedonen haben, waut hee Sind nant. De Strof fa Sind es de Doot.

**Gott es ons soo goot** daut hee sien Sän Jesus schekjt, daut hee fa ons aum Kjriez storf un onse Schult betold.

**Jesus stunt vom Doot opp** un es trigj nom Himmel jefoaren! Nu kaun Gott ons onse Sind vejäwen.

**Wan du von diene Sinden west wajchdreien**, dan saj

dit to Gott: Leewa Gott, ekj jleew Jesus es fa mie jestorwen un daut hee nu wada läft. Komm en mien Läwen un vejeff miene Sinden, soo daut ekj nu kaun nieet Läwen haben, un noch emol opp emma no die komen. Halp mie fa die to läwen aus dien Kjint. Amen.

Johanes 3:16

**Lass de Bibel un räd jieda Dach met Gott!**